



Broj: 01-02-3115/25-1
Lukavac, 14.11.2025. godine

Na osnovu člana 8. Zakona o ministarskim, vladinim i drugim imenovanjima („Službene novine Federacije Bosne i Hercegovine“, broj 12/03, 34/03 i 65/13), člana 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine TK“, broj: 11/19), člana 3. Odluke o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04 i 9/17), člana 7. Statutarne Odluke o organizaciji Grada Lukavca u skladu sa Zakonom o Gradu Lukavac („Službeni glasnik grada Lukavca“, broj: 1/22) i Odluke o raspisivanju i utvrđivanju teksta Javnog oglasa za izbor i imenovanje članova Nadzornog odbora JP „Putevi i komunikacije“ d.o.o. Lukavac, Gradsko vijeće objavljuje

JAVNI OGLAS

za izbor i imenovanje članova Nadzornog odbora JP „Putevi i komunikacije“ d.o.o. Lukavac

Objavljuje se Javni oglas za izbor i imenovanje tri člana Nadzornog odbora JP „Putevi i komunikacije“ d.o.o. Lukavac na period od četiri godine.

I - Opis upražnjene pozicije:

Članovi Nadzornog odbora obavljat će poslove u skladu sa Zakonom o privrednim društvima, Zakonom o javnim preduzećima u FBiH, Odlukom o usklađivanju statusa Javnog preduzeća sa Zakonom o javnim preduzećima i utvrđivanju oblika organizovanja, broj: 01-02-1-282/10 od 25.02.2010. godine i Statutom JP „Putevi i komunikacije“ d.o.o. Lukavac, broj: 17/21 od 17.05.2021. godine.

II - Kandidati za članove Nadzornog odbora moraju ispunjavati slijedeće opće i posebne uslove:

a) Opći uslovi:

1. da su državljani BiH,
2. da su stariji od 18 godina, ali ne stariji od 65 godina,
3. da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objavljivanja upražnjene pozicije,
4. da se protiv njih ne vodi krivični postupak i da nisu osuđivani za krivično djelo odnosno privredni prijestup, koji predstavlja smetnju za imenovanje na upražnjenu poziciju, u roku od pet godina od dana izdržane, izmirene, zastarjele ili oprostene kazne,
5. da se na njih ne odnosi član IX.1. Ustava BiH.

b) Posebni uslovi:

1. da imaju visoku stručnu spremu odgovarajućeg zanimanja,
2. da imaju najmanje jednu godinu radnog iskustva nakon sticanja visoke stručne spreme,
3. da nisu članovi upravnog, izvršnog ili drugog organa političke stranke,
4. da nemaju privatni finansijski interes u Društvu,
5. da nisu predsjednici ili članovi nadzornog ili upravnog odbora u više od jednog reguliranog organa,
6. da ne obavljaju djelatnost ili ne vrše dužnost koja po posebnom zakonu ili drugom propisu predstavlja smetnju za imenovanje na upražnjenu poziciju,

7. da posjeduju Certifikat o završenom usavršavanju izdat od strane nadležnog organa, a u skladu sa odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala ("Službene novine Federacije Bosne i Hercegovine", br. 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22) ili izjava kandidata svojeručno potpisana i ovjerena kod nadležnog organa, ne starija od 3 (tri) mjeseca, da preuzima obavezu da usavršavanje obavi u roku od 6 (šest) mjeseci od dana imenovanja na poziciju.

III - Za sve kandidate koji ispunjavaju opće i posebne uslove u postupku konačnog izbora uzeće se u obzir i sljedeći kriteriji:

- veći stepen stručne spremlje srodnog zanimanja
- komunikativne i organizatorske sposobnosti
- minimum znanja o organizaciji i djelatnosti društva
- sposobnost savjesnog i odgovornog obavljanja upražnjene pozicije
- sposobnost nepristrasnog donošenja odluka
- sposobnost upravljanja finansijskim i ljudskim resursima
- naklonjenost timskom radu
- rezultat rada tokom karijere

IV - Potrebna dokumentacija

Prilikom prijave na Javni oglas kandidati su dužni dostaviti sljedeće dokumente:

1. svojeručno potpisanu kraću biografiju sa adresom i kontakt telefonom (CV),
2. uvjerenje o državljanstvu,
3. uvjerenje o prebivalištu – boravištu (Obrazac PBA-3),
4. diplomu o završenoj visokoj stručnoj spremi (original diplome ili ovjerena kopija diplome),
5. dokaz o radnom iskustvu,
6. uvjerenje da se protiv kandidata ne vodi krivični postupak i da nije osuđivan za krivično djelo ili privredni prijestup koji predstavlja smetnju za imenovanje za upražnjenu poziciju, u roku 5 godina od dana izdržane, izmirene ili oprostene kazne (ne starije od 3 mjeseca) ili ovjerena izjava kandidata da se protiv njih ne vodi krivični postupak i da nije osuđivan za krivično djelo ili privredni prijestup koji predstavlja smetnju za imenovanje za upražnjenu poziciju, u roku 5 godina od dana izdržane, izmirene ili oprostene kazne,
7. Certifikat o završenom usavršavanju izdat od strane nadležnog organa, a u skladu sa odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala ("Službene novine Federacije Bosne i Hercegovine", br. 71/09, 33/10, 23/11, 83/11, 2/13, 80/13, 48/15, 60/16 i 88/17) ili izjava kandidata svojeručno potpisana i ovjerena kod nadležnog organa, ne starija od 3 (tri) mjeseca, da preuzima obavezu da usavršavanje obavi u roku od 6 (šest) mjeseci od dana imenovanja na poziciju,
8. ovjerenu izjavu kandidata na okolnosti iz tačke II a) alineja 3. i 5. i na okolnosti iz tačke II b) alineja 3., 4., 5. i 6.

V - Napomena

Imenovanje članova Nadzornog odbora vrši se na period od četiri godine.

Svi kandidati čije su prijave formalno-pravno ispravne bit će pozvani na intervju.

Kandidati sa kojima se ne stupa u kontakt u roku 8 dana od dana isteka roka za podnošenje prijave, kao i kandidati koji su uredno pozvani a nisu se pojavili na intervju, neće se uzeti u obzir u daljem postupku za izbor i smatrat će se da su odustali od kandidature.

O rezultatima oglasa kandidati će biti obaviješteni pismeno, odnosno putem pošte na adresu navedenu u prijavi.

Javni oglas će biti objavljen u „Službenim novinama Federacije Bosne i Hercegovine“ i u jednom od dnevnih listova i ostaje otvoren 14 dana od dana posljednjeg objavljivanja.

Prijave sa traženom dokumentacijom dostaviti lično na protokol pisarnice grada Lukavac ili poštom na adresu:

**PRIJAVA NA JAVNI OGLAS
ZA IZBOR I IMENOVANJE ČLANOVA NADZORNOG ODBORA
JP „PUTEVI I KOMUNIKACIJE“ d.o.o. Lukavac**

Gradsko Vijeće Lukavac

Komisija za izbor članova Nadzornog odbora JP „Putevi i komunikacije“ d.o.o. Lukavac

Trg slobode br. 1

75300 Lukavac

sa naznakom – NE OTVARATI!

Nepotpune i neblagovremene prijave neće se uzeti u razmatranje.

**PREDSJEDAVAJUĆI
GRADSKOG VIJEĆA**

Midhat Sarajlić dipl. ecc.



